



# Tir Yimyim

www.tiryimyim.in

Regd. No. RNI. NAGAAO/ 2004/ 13113. Postal-NE/RN-717.

e-mail : tiryimyim@gmail.com

TAPAK 3 Yangia anidakangma : Tir Yimyim tiryimyim@aolima tir yimyim

TAPAK 7

Tripura nung TMC sorkar kümra  
Iisopur CM shimsü: Ashish Lal Singh

Taküm sorkari totzü jenjang 69  
ben tashi tuogo: Adhir Ranjan

VOL. XVIII NO. 268 (ADOK 268) DIMAPUR

TENTOGNU (MONDAY) CHITENI (JULY) 12, 2021

₹ 5.00

## H&FW Dept-i COVID-19 tendangtsü ayongzüker

**Kohima, July 11, 2021 (TYO):** Department of Health & Family Welfare (H&FW)-i nisung asüba aser lockdown malitsü atema COVID-19 tendangtsü metedaktsüo.

India nung kanga ajema sample test asüba state tem rongnung Nagaland dena lir. Iba ya Covid puteteremi nisungtem mashiba aser shirangba yimya alirtemi test asütsü maruba ajanga lir, ta H&FW department-isa ashi.

Asenok wara agi tonga lir aser temang meta shirangba, aketba mesüra iba mesükba agi timtemertem metendang tashi Covid-19 positive ama anepalutsüla, ta parnokisa ashi.

"Asenoki metendangra Covid virus ya maneni belenshitsu aser aikati menatsü mesüra tasüba ajurutsü. Nisungtem tendanga meputet tashi lockdown maneni

alitsü aser nisungtem rongsenketzung tsütsü timtem ajurutsü aser Covid variant tasentem adoktsü" ta H&FW department-isa metedaktsü.

Nagaland nung Weekly Sample Positivity rate 6% tashi ajema kümogo saka Kohima, Mokokchung o Wokha nung 10% tema aser wara tanabuba nung Home Isolation nung nisung 30 asüba osang lir, ta department-isa ashi.

"COVID agi shirangba yimyatrem rongnung temang metaba 68% aser aketba 47% lir. Iba sülen tango sashiba nung timtem, teni agi junga memenemba, temang ngoyangoshiba amala lir. Shia aliba yimya nung shirangertem tekaratiba nung isolate asütsüla aser sample tendangtsüla" ta H&FW department-isa metedaktsü.

## Congress-i Europe nung "Country Presidents" shimogo

**New Delhi, July 11, 2021 (Agencies):** Rahul Gandhi-i Maneni, Indian Overseas Congress (IOC) president inyaktsü atema Italy nung Dilbag Channa, Switzerland nung Joy Kochattu, Sweden nung Sonia Heldsted, Austria nung Sunil Korah, Belgium nung Sukheevan Preet Singh, Holland nung Harpinder Singh Ghag aser Poland nung Amarjit Singh nungertem shimogo.

Norway nung Indian Overseas Congress (IOC) indang 'Country President' atema Garisober Singh Gill shim. Pa ya Chakra beer brand kibur lir.

Finland atema Congress-i arishi küm 35 tain scientist Komal Kumar Javarappa shimogo. Javarappa ya Mysore nungi lir aser Copenhagen nung mozi ki ka nung molecular biologist

**DoNER Minister-imapangshitak nung mapatongajak inyaktsü**

**New Delhi, July 11, 2021 (Agencies):** Northeast nung lokti-rongsenketzung renloktsü aser mapang shitak nung mapatongtem atemtsü atema inyaktsü ta Deobarnü Union minister, G Kishan Reddy-i metedaktsüo.

Brihostibarnü Reddy-i Development of North Eastern Region (DoNER) indang Minister indang projects, schemes aser policies osang ajak metedaktsüo.

Prime Minister Narendra Modi lenisüba kübok taoba küm 7 tsüngda Northeast kanga melensiogo. Modi lenisüba kübok lateta aliba mapang nung tang anendaka aliba mapatong ajak tembangta inyaktsü, ta DoNER Minister-isa metedaktsü.

Northeastern tesem ajungalen lokti aser rongsenketzung renloktsü atema temolung agüja inyaktsü aser mapatong metembangi aliba ajak tanga

ministry tem den asüngdangtepa inyaktsüla, ta Minister Reddy-i kettangsürtem nem tetuyuba agütsü.

Anogo ananü maparen meypa reprangshiba sendentem nung DoNER Secretary Inder Jit Singh aser tongti kettangsürtemi minister Reddy dang ministry indang projects, schemes aser policies osang ajak metedaktsüo.

Prime Minister Narendra Modi lenisüba kübok taoba küm 7 tsüngda Northeast kanga melensiogo. Modi lenisüba kübok lateta aliba mapang nung tang anendaka aliba mapatong ajak tembangta inyaktsü, ta DoNER Minister-isa metedaktsü.

Northeastern tesem ajungalen lokti aser rongsenketzung renloktsü atema temolung agüja inyaktsü aser mapatong metembangi aliba ajak tanga

## COVID-19 Nagaland: Nisung 78 dak putet, 77 tanepstsü angu

**Kohima, July 11, 2021 (TYO):** Deobarnü Nagaland nung nisung 78 dak COVID-19 aliba putet aser nisung 77 tanepstsü angu.

"Tanu nisung 78 dak COVID-19 putet. Parnokji Kohima nung 40, Dimapur nung 11, Kiphire nung 7, Mokokchung o Zunheboto nung pungu (5), Phek o Wokha nung asemsem (3), Longleng nung 2 aser Mon o Peren nung kaka (1) lir. Parnok züngsema nisung ajak agi 25,976 kümogo" ta Integrated Disease Surveillance Project atema State Nodal Officer, Dr Nyanthung Kikon-i ashi.

"Tanu nisung 77 tanepstsü angu. Parnokji Kohima nung 47,

Mokokchung nung 13, Dimapur nung 12, Phek nung 3 aser Kiphire nung 2 lir. Parnok züngsema tanepstsü angur ajak agi 23,775 lir" ta paisa ashi.

Nagaland nung Covid-19 nungi tanepstsü angurji 91.52% lir aser tang nisung 971 anepaludar, ta Dr Kikon-isa ashi.

Nagaland nung Covid-19 alitsü akok ta temolung melemi bilemba sample 2,38,622 tendangogo. RT-PCR ajanga sample 99,718, TrueNat ajanga 63,817 aser Rapid Antigen Test ajanga 75,087 tendang, ta Dr Kikon-isa ashi.

"Honibar tashi nung nisung 5,08,823 nem COVID-19

vaccine indang dose 5,99,394 agütsüogo" ta State Immunization Officer Dr Ritu Thurr-ia ashi.

"Vaccine agirtemji frontline workers 60,307, healthcare workers 15,851, arishi küm 45 ser temapur 1,63,212 aser arishi küm 18 nungi 44 tsüngda alir 2,69,453 lir" ta paisa ashi.

"Vaccine agirtem rongnung nisung 90,571-i dose anaprong agiogo. Parnokji frontline workers 31,496, healthcare workers 11,076, arishi küm 45 ser temapur 47,875 aser arishi küm 18 nungi 44 tsüngda alir 124 lir" ta Dr Thurr-isa metedaktsü.

## Assam aser Mizoram arrtsülen tensa tamajungba akümer

**Guwahati/Aizawl, July 11, 2021 (Agencies):** Assam aser Mizoram tsüngda arrtsü mangatetlep tuluba akümer.

Mizoram nungeri Assam kettangsürtem dak bomb pokloktsü ta asüba osang Mizoram sorkari magizüker saka Assam DGP Bhaskar Jyoti Mahanta-i Mizoram kettangsürtem dang Assam nunger dak teka sangshiba aser school nung bomb pokdaktsüba azüoktsü mepishir ta metedaktsüo.

"Ni Mizo nunger dang Assam sensotem aser kettangsürtem amakba mesüra school nung bomb pokdaktsüba azüoktsü mepishir" ta DGP Mahanta-i ashi.

Honibarnü Mizoram tsütsü nungi Assam kettangsürtem dak grenade mereplokja pokdaktsü ta osang jembir saka ibaji Mizoram kettangsürtemi tiyazü ta ashir. Ajisüaka, Assam-Mizoram arrtsü

anasa Cachar district nung tapoktsü ana apokba osangbo lir.

Assam nung media osangtem ajanga Mizoram tsütsü nungi mejangjaba nisung kari Assam tsütsü bomb mereplokja pokdaktsü ta ashi.

"Assam Police-ia kanga dang aremzüka mapa inyaker aser Forest o District kettangsürtem den yaritepa arrtsü kümzüka ayutsü meranger" ta Assam DGP Bhaskar Jyoti Mahanta-isa ashi.

July 9, 2021 nü New Delhi nung Assam aser Mizoram nung chief secretary aser DGP tem den kettangsürtem senden ka mena arrtsü mangatetlep indang jembi.

"Tawa tu Delhi nung Mizoram CS L Chuanga aser DGP SBK Singh na den arrtsü atema olemtipogo. Assam tenüng nung Chief Secretary Jishnu Baruah aser onok aden. Iba senden ya arrtsü ken o tem angatetteptsü atema alizüng yur amenba liasü"

ta Assam DGP-isa ashi.

Young Mizo Association (YMA) züngsemti ozüng alema Singoa nung Shanti Basti tesem nung mongdar ta Assam kettangsürtemi ashir.

Külen, Mizoram kettangsürtemi Assam Forest department-i Khulichara-Singoa border area nung gari lenmang yanglur aser iba ali nung Mizo nungeri aso aika alu yima arur ta metedaktsüo.

Assam aser Mizoram nungi police temi inter-state arrtsülen nübo talila lemzüka anüker.

Honibarnü Assam CM Himanta Biswa Sarma-i "Assam-Nagaland aser Assam-Mizoram arrtsü anasa tensa mejungi lir. Assam Police-i asen arrtsü kümzüka ayutsü atema mapa lemzükja lir. Northeast atema kishi ama onoki olemtipotsü molunga lir saka ozü ali atsüngä magitsüla" ta metedaktsü.

## NPSC aser NSSB atema 'age relaxation' alitsüla: RPP

**Dimapur, July 11, 2021 (TYO):** Rising People's Party (RPP)-i Nagaland state sorkar dang NPSC aser NSSB agütsünürtem atema arishi küm reprangshitsü ayongzükogo.

"NPSC exam tesübebaj 2019 küm agi aser 2020 atema NPSC Combined Civil Services Examination aser Combined Technical Services Examination ano magi lir. Covid wara mapang tatidang magiteturajangata lir anungji tatidang agütsüpurtem asoshi arishi küm telatet reprangshitsüla ta onokibo bilemer" ta President Joel Naga

aser General Secretary Amai Chingku natu sangdong ka nung ashi.

"2020 küm ya tatembangba tatidang agütsüuba kaketshirtem indang khuret angatetsüla aser kodang tatidang agidir NPSC-i pa/la nem age relaxation yimli sayutsüla. Iba onük ya state cabinet-i meimchir meimba tangatetba nung angadanga telemeteba agütsü mepishir" ta Rising People's Party-isa metedaktsü.

Kümka tejakdang sorkari SSB tentetba osang metedaktsü aser NSSB Regulations 2020 lateta liasü.

Anungji State sorkari departmental exams magitsüla, ajisüaka department kari 2020 küm departmental exams agiba osang angazükogo, ta parnokisa ashi.

"Maneni, 2020 nung Covid wara ajanga NPSC exams magitet süra kodaser kasa küm departmental exams agi? Anungji Nagaland Chief Secretary-i iba indang osang tejangja metedaktsüla," ta RPP-isa takhangba agütsüogo.

NSSB inyaka aotsüba onük ajak angatetteptsüla aser departmental exams magitsüla, ta RPP-isa ashi.

## Covid putetaka meshirangertem pei kidang takdang balaka nung mongdaktsür, idangji -

Pei alidak aser ayipdak mopong aittüsä kichiba (window & ventilation) lapoka yuang.

Akok tashi sunjjanglijang aser sungelemba agi tua chiyontsü tajung chiang aser tzü aser juice jemang.

Pei meyong mobile phone, kumesü aser toothbrush nunger ama melentepa tamshi.

Mozü achitsü agüja lira, aji shitak chiang.

Tango junga mesashitetba, teku ashiba, aketba aser temang metaba timtem lira yakta doctor bushiang.



## DHS Zunheboto ajanga World Population Day mungogo



CMO Office, Zunheboto nung July 11, 2021 nü World Population Day amungba mapang tangokba noksa ka yangi angur.

**Dimapur, Chiteni/July 11 (TYO):** District Health Society, Zunheboto ajanga "Provision of Family Planning Services Even in a Crisis, for Self Reliant Nation and Family" omen nung ajemdaker CMO Office, Zunheboto nung July 11, 2021 nü World Population Day mungo liasü.

Iba sentong nung Dr. K. Akaho Sema, Dy. CMO, Zunheboto ya shisalen sayur liasü. Pai iba anogomung indang rateta shia liasü.

Iba sentong nung jembiba mapang Dr. Akaho-i, tanur tetsü aser tanur temang anema alitsü aser kibong rongsenketsüng tajungba kumdaktsütsü asoshi Family Planning ya kanga tongtipang lir, ta shia liasü.

Tanurtem nem tejenokdakki, aben-süoshi, chiyongtsü aser education agütsütsü ya tsürabur tebilemtsü lir, anungji kibong ajak nung rongsenketsüng atema Family Planning ya kanga tongtipang lir, ta pai ashi.

Nütsüng yongsük azüoktsü aser Family Planning atema nüngdakba shisatsü agütsütsü asoshi June 27 nungi July 10, 2021 tashi "Mobilization Fortnight" sentong agiyonga aru, ta pai ashi.

July 11 nungi July 24, 2021 tashi Population Stabilization fortnight aliba mapang health unit aser yimtsüng ajunga nung Family Planning indang yimya balala angazüdkaktsütsü, sterilization, IUCD service angati agütsütsü, condom, ECP,

OCP nunger lema agütsütsü, counseling agütsütsü aser IEC materials angati lemstsütsü, ta pai ashi.

Pai iba sentong nung shilem agirtem dang kilung nung alitsü ajungshia liasü aser COVID-19 tashidak menatepa aoba, tsüngsü apuba yimya aser nüburtemi mashilen nungi angatetba indanga jembia liasü.

Coronavirus tashidak den raraba nung nüburtemi shilem agitsüba ajungshi aser iba tashidak nungi jenbua alitsü atema social distancing yimya amshitsü, teti teka shidoktsü aser mask agitsü ayongzüka liasü.

Iba sentong nung IEC osettem lema agütsü, kong BPM, Valerie menden liasü aser DPM Rosemary Vitoli ajanga tepela o jembi.

## Totzü jenjang atuba atema longkak aitba busemer: NVCO

**Dimapur, Chiteni/July 11 (TYO):** Tongtipang osettsüset aser Petrol-Diesel nung kodanga majangshidangba jenjang atuba anema linük nung Congress Party aser state nung Nagaland Pradesh Congress Committee nokdakba nung Nagaland Voluntary Consumers' Organisation (NVCO) dena lir aser jenjang ajemdaktsütsü asoshi akangba nung consumer nüburtem dang akokba nung nungita yaritsü ayongzüker, ta NVCO indang sangdong ka ajanga ashi.

2020 küm tatemlen state sorkari gari nung inokba/amshiba totzü nung COVID-cess temloker meshidang NVCO ajanga sorkar dang iba tax agentsü shia liasü, kechiaser osettsüset nung jenjang atuba ajanga nüburtem ang tim atemer, kong state sorkari jenjang azüoktsü asoshi inyakym shidak meinyaketer.

Aser iba mapang petroleum product nung tax tasen meshiba ya nüburtem taginüba senzüka yutsür sen bendentsü atema tim lenmang masü, ta NVCO ajanga shia liasü, kechiaser yimten yimsüsür aser temaba office nung amener, legislator masü sernung advisor, party worker aser election nung tamakok ajuruba candidate tem minister jenjang nung alirtem den külemi aliba PROs, PS, media officer, commissioner & secretary/joint/deputy secretary tem ya agentsü nungbo budget nung sen jenti anüngzüksü.

Tanen makai totzü nung jenjang atuba süang mesüra ozüng alema aser temelaba makai saru meshiba nunga süang, state nung aliba market nung jenjang atutssüa inyaksangshiba atema NVCO ajem-ajema repranga malitsü, ta ashi.

National jenjang nung ajangasa ashi.

National Congress Political Party ajanga longkak aitba dak alaka Nagaland nunga Nagaland Pradesh Congress Committee-i anir totzü nung jenjang atuba anema longkak aittsü taoba Brehostibarnü ayongzüka nung aluyimer aikati shilem agia liasü, ta ashi.

Sorkar nem angatetdaktsütsü nükjidong nung nüburtem linük tesem balala nung longkak aita liasü. Kibong nung kinungtsütema gas cylinder tazüng bener arua longkak aita liasü.

Brehostibarnü longkak aitba nung shilem ka ama amluyimer temi 'horn baja diwas' sentong ka yanglu pei gari nung horn minute pongu asadaktsü.

India ya democracy lima ka lir, aser state ajaki welfare state ka ama inyaktsüla, anungji nüburtemi ola adokba sorkari angashitsüla, ta NVCO



Security Forces temi state police den lungjemer July 10, 2021 nü Arunachal Pradesh nung Tirap district kübok general area Chop village nung operation ka agidang Kamtapura Liberation Organisation (KLO) nungi züngsem ka pua liasü. Ken o maneni asüngdangyatsü atema pua alisang den pa ket nungi ngutetba osettem Wakka Police Station, Tirap District nem agütsügo.

AR-icivil society lenirtem den sensaksema sentong ka agi atema sensaksema liasü.

Naga nunger wadang balala nung temaba jenjangi ajungkettsü mechii Assam Rifles ajanga mera balala agiba aser sentong balala ayongzükba indang Assam Rifles leniri rateta ashi.

Iba sentong nung shilem agirtem tenüng nung MTMK tir Akhoto Kuotsu-i Assam Rifles dang par mapa tajung asoshi pelaba lemsatep aser tenüng sang agüja liasü aser akokba lenmang nung parnok den külemi yaritepa nübur ajangzükba maparen balala inyaktsü tejangraba aliba lemsatep liasü.

## COVID-19 nungi nüburtem kumzüka ayutsü meranger: TWC, Mangkolemba



**Dimapur, Chiteni/July 11 (TYO):** Tzutayong Ward Council, Mangkolemba ajanga COVID-19 mesen nungi nüburtem kumzüka ayutsü atema par sasa maparen balala inyaker.

Mangkolemba Community Health Centre ya Tzutayong Ward kübok lir. Tang Mangkolemba nung COVID-19 positive puteta alir parnok ajak agi nisung 11 lir aser parnok rongnung nisung pungo-bo Tzutayong ward nung alirtem lir, ta Tzutayong Ward council indang sangdong ka nung ashi.

Par pungo prongla kiyong nung kiyonger-i anepalua home quarantine südaktsüba den kiyong nung iba tetsübuttsü

mesen nokdangtsü atema Tzutayong ward council-i nüburongsen indoka COVID-19 mesen den raraba mozütem parnok pungoprongla aliba tesem nung, kiyong aser mozüki lemjem nung aliba dokantem, kiyong nübur anisungdak ki ana (waiting shed), mozü ayokdak dokantem ajak nung covid-19 mesen nungi kumzuka alitsu atema ward council-i mapang balala nung zükshir, ta ashi.

Nüburia sorkar dak dang metaloker aliba tangatetba malitsula, kasa-i sorkaria nübur lenji arua inyakdang züüa melie nübur kumzüka yutetsüsa maparen ajak shidak inyaktsüla, ta sangdong ajangasa ashi.

## AR-i Jalukie nung süngdong atem

**Dimapur, Chiteni/July 11, 2021 (TYO):** HQ IGAR (North) kübok Jalukie Battalion Assam Rifles den Civil Administration longjemer, Hokolbarnü (09.07.2021) Peren district kübok Jalukie nung 'Mega Tree Plantation Drive' ayonga agiogo, ta sangdong ka ajanga metedaktsü.

Süngdong atem metenzükdang, Forest Department ajanga süngdong atemba yimyatem aser arem wazüka ayutsü tongtibang onük nung ajemdaker sentong ayongzüka liasü. Iba sülen, Jalukie forest view point aser Battalion HQ nung süngdong tem atem. "Tree plantation drive 2020" kated, koba MHA ajanga adok, Assam Rifles-i district administration nem iba kaket lema agütsü. Iba plantation

drive nung civil administrative staff 30 aser security personnel 40 agi shilem agiogo.

Maneni, Honibarnü IGAR (North) kübok Mon Battalion - Assam Rifles-i Holy Cross High School, Mon nung menden aser water tank tem lema agütsü. Taoba ita, mi lendong ka ajanga iba School nung osettsüset tem rongdokadok. School nung kaketshirtem maneni academic session takok ngua agitsü atema AR-i agütsüba osettsüset ajanga tuluka tongzüksü. Mi lendong ajanga takoksa ajurur aliba mapang ka nung, "Friends of North East" omen nung anidaka Asaam Rifles-i teyari tulu agütsüba atema, iba School Principal, tesayur aser kaketshir ajaki Assam Rifles dang pelaba metedaktsüogo, ta kasa sangdong nung shia lir.

## Tripura nung TMC sorkar kümra lisopur CM shimtsü: Ashish Lal Singh

**Agartala, July 11, 2021 (Agencies):** Tripura nung Trinamool Congress (TMC)-i sorkar kümra lisopur lennir ka Chief Minister shimtsü osang metedakstsüogo.

Deobarnü Tripura TMC president Ashish Lal Singh-i iba osang sangokja liasü.

"2023 küm Tripura nung Assembly Elections atema tang onoki asalentongtem yanglue renemdar," ta Singh-i ashi.

Kasa mapang, Tripura TMC president-isa mapang tetemjen

ka matong tashi Tripura nung BJP aser CPI-M nungi tongti lennirtem party nung anioksü thinena atar, ta ashi.

Kolkata nung party high command-i tanga telok nungi lennirtem, shirnoki taoba mapang TMC asoshi maaksü bener arutsüogo, parnok tanaben party nung anioksü yangluba sentong magizüker, ta Singh-isa ashi.

"Tanga telok nungi nisung kar anioksü maparen nokdangtsü mechı party high

command-i tenüng ajak kakteta bushir asünung, TMC-i BJP aser CPI-M nungi tongti lennirtem anioksü sentong thinena atar" ta paisa shisem.

"Taruba Assembly elections atema mapang peria lir asünung, onoki kangarabo aritepa maparen meinyaknür," ta Singh-isa metedakstsü.

Taoba ita Ashish Lal Singh-i osangbener dang BJP nungi lennir 13 aser CPI-M nungi lennir 4 tashi anioksü atema TMC den jembidar ta shia liasü.

## Cachar Police-i Katigorah BDO Suja Hussain apu

**Cachar, July 11, 2021 (Agencies):** Katigorah Block Development Officer Suja Hussain-i ochimashi mapa inyakba nung shilem agi ta tai tongloksüba atema Cachar Police-i pa puogo.

Hussain-i Mahatma Gandhi National Rural Employment Guarantee Act (MGNREGA) kübok senotsü agütsüba nung tim mesüi inyak ta FIR ka benokba nung ajemdaker pa apu.

Police-i Hailakandi nung Suja

Hussain'er ki mita ao.

"Pa anema FIR tem benokba nung ajemdaker onoki pa tanep apu" ta Katigorah police station officer-in-charge, Manoj Narzary-i ashi.

"Hussain anema FIR benokba atema onoki bushitsüngdang südar. Tangari shilem agiba putetra, parnoka aputsü" ta Narzary-isa metedakstsü.



ONLINE APPLICATION PROCESS BEGINS:

July 12, 2021\*\*

LAST DATE FOR REGISTERING ONLINE APPLICATION:

August 7, 2021\*\*

LAST DATE FOR SUBMITTING APPLICATION:

August 9, 2021\*\*

\*\*All dates are tentative and applicants are advised to regularly visit the website [www.barconlineexam.in](http://www.barconlineexam.in) for updates.

## ■ ONLINE APPLICATION PORTAL: <http://www.barconlineexam.in>



Dr. Homi Jehangir Bhabha  
1909 ~ 1966

Benefits on Absorption: After successful completion of the Training Program, the selected candidates will be absorbed as Scientific Officers in a Group-A Post of the Government of India in the Level 10 - ₹ 56,100 of 7th CPC pay Matrix. Total Emoluments, with three increments at the time of joining, will be approximately ₹ 95,000 p.m at the present Mumbai rate. In addition, the officer would also be availing of other benefits such as L.T.C., medical facilities for the Officer and his / her dependent family members, Children's Education Allowance and Professional Update Allowance. Scientific Officers in all units of DAE have ample opportunities for professional development and attractive career progression up to the highest echelons.

Educational Opportunities: Trainee Scientific Officers who successfully complete the Training Program and whose performance meets a minimum eligibility criterion are allowed to enroll for M.Tech. / M.Phil. in Homi Bhabha National Institute (HBNI), a Deemed to be University. Those not desirous of pursuing M.Tech. / M.Phil. are entitled to a Post-Graduate Diploma of HBNI provided their performance in the Training Programme meets a minimum eligibility criterion. The Scientific Officers of DAE are also provided with an opportunity to pursue Ph.D. under the aegis of HBNI during their professional career, provided their academic performance is above a specified threshold.

The Department of Atomic Energy (DAE) was established through a Presidential Order on August 3, 1954, to be administered directly by the Prime Minister. The vision of DAE is to empower India by the use of technology for creation of wealth leading to a better quality of life for her citizens. DAE is engaged in the design, construction and operation of Nuclear Power/Research Reactors and the associated Nuclear Fuel Cycle Technologies covering exploration, mining and processing of nuclear ores, production of heavy water, nuclear fuel fabrication, fuel reprocessing and nuclear waste management. It is also engaged in basic cutting-edge research in frontier areas of Engineering and Science. The spin-off technologies, human resource being developed, and technical services being rendered by DAE have been of great help to Indian industry. Since 1956, DAE has been recruiting Scientific Officers annually through the BARC Training Schools to drive its various nation building programs. This advertisement is to invite applications for the recruitment of Trainee Scientific Officers (TSOs) for the 2021-22 academic session of the BARC Training Schools. After successful completion of the Training Program, the TSOs will be absorbed as Scientific Officers in a Group-A Post of the Government of India.

### DEPARTMENT OF ATOMIC ENERGY?

### WHY SHOULD I JOIN THE DEPARTMENT OF ATOMIC ENERGY?

### WHAT ARE THE RECRUITMENT SCHEMES AND THE SELECTION PROCESS?

### WHAT ARE THE QUALIFYING DEGREES? HOW DO I APPLY?

OCE/S-2021(Scheme-II): This is a one-year Training Program for Engineering Graduates or Science Postgraduates. The Training Program is conducted in the BARC Training Schools located at BARC, Mumbai / Indira Gandhi Centre for Atomic Research, Kalpakkam / Raja Ramanna Centre for Advanced Technology, Indore / Nuclear Fuel Complex, Hyderabad / Atomic Minerals Directorate for Exploration and Research, Hyderabad. Trainee Scientific Officers (TSOs) will be paid a stipend of ₹ 55,000 p.m and a one-time Book Allowance of ₹ 8,000 during the Training period.

DGES-5-2021(Scheme-III): Under this scheme, Engineering Graduates or physics postgraduates who have secured M.Tech. / M.Chem. Engg. admission in 2021 in one of the Institutes listed below, in specified disciplines, will be offered a two-year DAE Graduate Fellowship. DGFS Fellows will be reimbursed their tuition fee during M.Tech. / M.Chem. Engg. and additionally be paid a stipend of ₹ 55,000 p.m., a one-time Book Allowance of ₹ 18,000 and a Contingency grant of ₹ 25,000 towards M.Tech. project related expenses. DGFS Institutes: IIT - Bombay, Delhi, Guwahati, Kanpur, Khargpur, Madras, Roorkee and BHU - Varanasi, NIT-Rourkela and Institute of Chemical Technology (ICT) - Mumbai. On successful completion of M.Tech. / M.Chem. Engg., the DGFS Fellow would join DAE as a Scientific Officer, with additional increments (subject to conditions).

The selection procedure, which is common for both schemes, has two stages. An initial screening will be done either by a valid GATE-2020 / GATE-2021 Score in the applicable GATE discipline or by performance in an Online Test to be conducted in September, 2021. As cut-off GATE scores for screening into Selection Interviews will be decided only after the Online Test has concluded, candidates are advised to maximize their chances of being screened into the Selection Interview stage by maximizing both the screening measures detailed above. In the second stage, the screened in candidates will be called for selection interviews to be held in Mumbai and Hyderabad during October, 2021. Final selection is solely on the basis of performance in Selection Interview, subject to medical fitness. #Only for Geology.



Government of India

सरकार ने जापा

## DEPARTMENT OF ATOMIC ENERGY

### ENGINEERING GRADUATES AND SCIENCE POSTGRADUATES AS SCIENTIFIC OFFICERS

Recruitment of



BHABHA ATOMIC RESEARCH CENTRE TRAINING SCHOOLS

Through the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

For the

ACADEMIC YEAR 2021 - 22

Dr. Homi Jehangir Bhabha

1909 ~ 1966

BHABHA ATOMIC RESEARCH CENTRE TRAINING SCHOOLS

</div



# TIR YIMYIM

## YIMOBILEM (EDITORIAL)

DIMAPUR TENTONÜ, CHITENI(JULY) 12, 2021

# Kibong tila aser tulu

# **OLEMSABANG**

AO LIMA EDEN TSÜKI AMA KÜMDAKTSÜDİ

- Temsüwati Kichu

*(Yashi adok nungi...)*

4. Pei Meyong meimtsüla:Talisa jila balala nung alirtem Aotsür Aor Ianurtemi Ao oshi meimtsüla. Pei oshi, aser Aor sobaliba tajung angazüktsüla. Ano pei linük meimtsüla. Item ya pei meyong. Tangar indanga tajungbo angazüktsüji nungdaker, saka pei meyongji metoktsüimeimtsüla.
  5. Asenok rongnung yaritepba shisatsü akatsüla:Pie tangarbo yaritepba, ishika semteper ka ajungkettsüli, ano ajungshitepli, tamakok aluyonga ano maneni yariteptsü, network tajung, item ajanga takok ngua aor. Asenok koba mapa nung südir süaka iba ama yaritepba shisatsü tajung akatsüla.Aori Aor dokan nung alinütsüla, tayoker jagia aji meteta ayoktsüla. Aori Aor nem mapa agütsünütsüla, tat.agi mistry mapa, teinyaker jagia aji meteta tangari meimtsüsa, ano tarutsü nunga pa nemsä agütsünütsüsa tajungtiba inyaktsüla.
  6. Organic farming nung temulung agütsütsüla:Tsük alu nung mozü tali amshiba, mesüra aonsotsü nung mozü tali inoka züsentetba, item achiba ajanga temang nung timtem aika adokdaktsür. Tanga state nungi chiyungtsü bener yoktsü asoshi, yabo Naga nunger atema anungji idakibo mozü meinnoxi dang adokdaktsüdi ta masütsü. Asenoki organic chiyungtsüji koda tongtipang iba jenjang tulu ya meteta organic farming nung temulung agütsütsüla.
  7. Tangatetba aser tesayuba melenshitsüla:Tesüiba mapang nung alumeyimnüra/mapa meinyaknüra school meranga züngang ta tangatetba aser tesayuba agütsü, saka tanübo alu ayimtsü asoshi meranga züngang ta sayutsüla.
  8. Ali tulu nungdaker:Large scale nung farm lapoktettsüsa tashi liaka kong lapokner iba tesem nungji ali tilala lemsar aliba system ajanga tetsükdaktsü alutsü. Anungji tarutsü nungbo land ownership system reform asütsü nungdaktsü.

TEINYAKTSÜTEM

1. Environment aser Natural resources atema tesayuba agütsütsüla: Tsüngremi moaja akaba natural resources, item ya exploit masütsü, ano environment timi ketdang asütsü Arogoi pulpit nungi sayutsüngitsüla. Lokti balalai iba tesayuba agütsütsüla. Ano School, Sunday School, Ao Oshi kakettem nung iba tesayuba inoka tanur asüdang yongi angzükdaktsütsüla. ABAM aser Arogotem calendar nung inoker mejameja "ABAM World Environment Day" ta among nung ajungtsü.
  2. Canaan farmers school ya ajaklen aser yimtsüng ajak nung agitsüla: Iba school nung ya farming kisüng masü saka tongtipangsüa mindset melenshidaktsüsayur. Tangazüktsü aika sayur, mapa meinyakra techiyungdaktsü, lalushipong masütsüla, ni tama melenshitsüla, ano aika. Item tesayuba ya asenok kangasa nungdaka lir.
  3. Wazüka ayutsü asoshi akangshitsüla: Arem aser aremshiruru wazüka ayutsü atema yimdeni maneni akangshia inyaktsüla. Ozüng yanglua nüburtem azüoka arudar. Ano lokti balalai lemang balala ajanga ozüng agisa mesüaka wazüka ayutsü asoshi tasa balala ajanga nüburtem ajungshitsü nungdaker.
  4. Aremshiruru atema pangzung akatsüla: Lim arogotemi joko benjongbentsü mesüra salemsaji ama nung aremshirurubo khenyongi mamshitsü ta pei arogopur nem tangatetba agüja pangzung ka renemraiba ya Eden tsuki mesüka yangluba nung shilem tulu ka asütsü.
  5. Skilled job/entrepreneurship atema Arogoi teyari agütsütsüla: Arago nung nüburtem rongsenketsüng atema, ano talisa unemployed lanurtem atema ministry kanga dang nentaka inyaktsüsa kümogo. Kiojen asüba aser iba dak sentakba mapa branch balala, farming, business, ano aika, yamala training yalanurtem aser nungdakbapurtem karbo yi/drugs toktsür alirtema asütsü akok, parnok nem agütsütsüla. Arogotemi takokeribo training denji ano mapa tenzüka aotsü asoshi financial support/osettüsüset agüja placement tashi nung yarira, kangasa ajak atema tajungzük tulu asütsü. Arago karibo kanga junga ibaya inyakdar, ano tanüngba arogotemia peii akok yari inyaktsü nungdaker.

#### **6. Ano itemya inyaktsü kanga tongtipang**

- \* Factory lapoktsüla, ano cold storages yabo tzükong shia nung alitsüla.
  - \* Asen lima nung gari lemang ajungtsüla. Aji mesüra mapa aika nung tetsükdaktsü alur. Gari lemang mejungra chiyungtsü tajung aika liaka tayokdaki bener arutsü kanga tasak. Government mezüngbuba teinyaktsüji lenmang junga yanglutsüla.
  - \* Development aoba agi mesüra nungdakba agi asüyonga kodang süngdong tsüngdokdir iba melenaiji tanga atemtsüla.

Teinyaktsütem ano aika lir, saka tang tenzüka aotsü atema item denji asen tebilemtsü balala nungi kechi inyaktsüla ta angatetter, itemji kangasa tongtipang. Asen Ao lima Eden tsüki ama kümdaktsütsüji asen Aor ajak teinyaktsü, ajak shilem lir. Tanütenzüka aotsü asoshi nungdakba kar idaki lemsateper, saka asen Aori ano tali tajungba shisatsü, sentong aser teinyaktsü Eden tsüki ama kümdaktsütsü asoshi lemsateptettsü, yamaji tebilemba tajung aser teinyaktsü ajakji asenok ajak kulem wadang südi. Kodang asenoki asen lima Eden tsüki ama kümdaktsütsü asoshi tenzüka inyakdir, idangji asen arogotem aser tamangertem tanela nunga tashi taitba akümtsü. Kechiyong kodang tangar dak memetaloki pei sasa nokdakteta peria lidir, idangji ochi nung alitsü.

Eden tsüki mesüka akümstsü nükjidong nung koba mapa inyakdir inyakaka, asen mapa takok angutsüba mesüra rongsen angutsübaji tama mesüdaktsüli, sen meimbajji tamajung tapu ajak tera lir ta Laishibai ashir. Sakaasen Tsüngrem shibai Eden tsüki pokteta daksü Pa tama kechisarena nung südakja aseni Pa dang asüngdanga inyakdi, idangji Ao lima Eden tsüki ama Pai kümdaktsütsü.

**Iba Olemsabang nung lemsaba ken-o aser shisatsü ya iba ocet zürlü  
bilembe ken-o ama tazüngeři angateta agitsü mepishir**

# Covidwara ajanga Bangladesh nung Arogotem timtemer



Bangladesh nung aliba Tenla ki ka noksa nung angur.

**July 11, 2021:** Bangladesh nung coronavirus wara mapang nung Tenla kitem shibangba ajanga tenla aruba lenmang anenogo, aser ibaji ajanga Arogotem kanga timtemdar; Arogotem ket nung sen peria maliba agi bilemba ama timtemertem meyariteter.

Tang Bangladesh nung coronavirus wave tasembuba ya tamajungba, kechiyong Delta variant ajanga shirangertem aika kümogo aser iba tashidak agi shiranger aika südar.

July 8 kija nunga nisung 11,651 dak coronavirus puteta liasü. Tang Bangladesh nung yimtsüngtem nunga nisung aika dak iba tashidak puteter saka hospital nung yipten peria maliba

den oxygen aser medical staff lir," ta metedaktsü. Paisa, tanela chiyungtsü peria mali.

Tang linük nung coronavirus tashidak kanga prokba agi sorkari July 1 nungi July 14 tashi linük tesem ajak shibangogo.

Osangbener den jembidang Khulna Arogo nung health commission secretary, putir Bablu Lawrence Sarker-i, "Onoki nisungtem dang kidang nungi mayazüksü aser maneni sarasademtsü ajungshir. Nisung aika chiyungtsü peria mali. Anogo nung asemen chiyungtsüa chiyungtsü peria mali, saka Arogotemi akokba tashi parnok yaritsü merangdar.

Iba tensa ya kanga majung, aser Khristan kibongtem aika nung iba tashidak agi shirangertem

agütsüba densema tenzükba mapa aika anenogo, ta metedaktsü.

Catholic Khristan lanurtemi nüburtem den yaritepa vaccine agitsü aser vaccination centres-i aotsü atema tenüng züldaktsür, ta pai ashi.

Coronavirus mezüng prokba mapang nungbo Khristan telok balalai emergency support services agüja liasü, saka tangbo rongsen peria maiba agi yamaji meyakteter.

Tang tashi nung Bangladesh nung nisung 989,219 dak coronavirus putetogo aser iba tashidak agi shiranger 15,692 süogo.

## ANOGO ABEN TSÜNGREM DEN

### Tatok magütsütetba temenen

Kechiyong onoki angashiba aser anguba indang mejembiboo meliteter. T. Mapa 4:20

Kodang Yisu nüburtem den jaja Pai parnok ayongzüka ashi, "Kechiba nenoki Kü dang Kibuba, Kibuba ta ajar, aser Ni ashiba meinyaker?" (Luke 6:46). Maneni Pai ashi, "Nenoki Ni meimra, Kü özüng nenoki inyaktsüla" (Yohan 14:15). Pa kangki nung angenloker aser tasü nungi shia arur Pai Pa sülen anidaker temi kechi inyakdaktsüner tejangja ashi. Pai parnok nem tenyaba tejangja agüja ashi, "Oang... sayuang... nütsüng kümdukjang..." (Mathi 28:19-20). Telok tila kati Pa dang tashi anga aser Yisu Khrista osangtajung alima sünga ao.

Nai ne sasa na Khristan ta jara nai iba özüng inyaktsüla. Tsüngremi nisung ajak tzüyim ajanga aotsü maja, saka pei kiyonger tang tenzüktsü Pai ajak aja. Nai tangar den Yisu lemsateptsü arendaka alitsü akok mesüra magizüksü tsübutsü akok, mesüra satoka mebilemtsü akok. Süra nai ya koda inyaktet? Anepdang nai sarasademtsü akok: 1) Tsüngremi ne nem mapang tajung agüja tangar den lemsateptsü akok. 2) Iba mapang tajung angatettsü Tsüngremi ne dang yaritsü akok 3) Iba nübu den lemsateptsü asoshi Tsüngremi na tasü itdaktsütsü akok. Nai item mapa asem asoshi ne mulungjang ajunga agi sarasademra, Tsüngremi langzütsü. Saka kodang mapangji arudir mapa inyaktsü tongtipang. Shibai metet iba nisung den Khrista osangtajung lemsateptsüji na ji dang asütsü akok. Yisuji shidakba ne Kibur süra, atangji nai pelasita kechi nai angu aser angashi pelasita jembitsü aser lemsateptsü, koda Pai ne taküm melenshitsü iba indang lemsatsü.

Kü Tsüngrem, tanü ni Na asoshi lemsateptsü tasü itdakjeng ta sarasademer. Nai ni kümzükba aser Ne mapai ajaba asoshi Ne tenüng asanger. Amen.

TAT

Kechiyong on

Kodang Yisu nüburtem den jaja Pai parnok ayongzüka ashi, "Kibuba, Kibuba ta ajar, aser Ni ashiba meinyaker?" (Luke 6:46). Maneni Pai ashi, "Nenoki Ni meimra, Kü özüng nenoki inyaktsüla" (Yohan 14:15). Pa kangki nung angenloker aser tasü nungi shia arur Pai Pa sülen anidaker temi kechi inyakdaktsüner tejangja ashi. Pai parnok nem tenyaba tejangja agüja ashi, "Oang... sayuang... nütsüng kümdukjang..." (Mathi 28:19-20). Telok tila kati Pa dang tashi anga aser Yisu Khrista osangtajung alima sünga ao.

Nai ne sasa na Khristan ta jara nai iba özüng inyaktsüla. Tsüngremi nisung ajak tzüyim ajanga aotsü maja, saka pei kiyonger tang tenzüktsü Pai ajak aja. Nai tangar den Yisu lemsateptsü arendaka alitsü akok mesüra magizüksü tsübutsü akok, mesüra satoka mebilemtsü akok. Süra nai ya koda inyaktet? Anepdang nai sarasademtsü akok: 1) Tsüngremi ne nem mapang tajung agüja tangar den lemsateptsü akok. 2) Iba mapang tajung angatettsü Tsüngremi ne dang yaritsü akok 3) Iba nübu den lemsateptsü asoshi Tsüngremi na tasü itdaktsütsü akok. Nai item mapa asem asoshi ne mulungjang ajunga agi sarasademra, Tsüngremi langzütsü. Saka kodang mapangji arudir mapa inyaktsü tongtipang. Shibai metet iba nisung den Khrista osangtajung lemsateptsüji na ji dang asütsü akok. Yisuji shidakba ne Kibur süra, atangji nai pelasita kechi nai angu aser angashi pelasita jembitsü aser lemsateptsü, koda Pai ne taküm melenshitsü iba indang lemsatsü.

Kü Tsüngrem, kümzükba aser

## Khristan putir asüba atema India nem tai tongloktsütsüla: USCIRF

**July 11, 2021:** U.S. Commission on International Religious Freedom (USCIRF)-i US Tir, Joe Biden-i aniba administration dang India nung arrshi küm 84 Khristan putir aser meimchir temeden atema inyaker, Stan Swamy jail nung lia asüba atema India sorkar nem tai tongloktsütsüla aser India-US tesendaktep tsütsü religious freedom onüktem benoktsüla, ta takhangba agütsüogu.

India sorkari sendoka yutsüba ajanga putir asü, ta aija USCIRF Chair, Nadine Maenza-i, "Iba tatalokba atema United States-i India sorkar nem tai tongloktsütsüla aser India-US tesendaktep tsütsü religious freedom onüktem benoktsüla," ta mepishia metedaktsü.

Swamy mapang talangka Tajola Central Prison nung monga liasü, aser taküm May ita nungi pa temang tamajungba akümba sülen Mumbai nung aliba nije hospital ka nung treatment agia liasü.

Jesuit putir, Stan Swamy ya Parkinson tashidak agi shiranga liasü aser pa dak coronavirus tashidak-a puteta liasü.

USCIRF-i, "Pa temang mejungi aliba nung ajemdaker pai bail temepishiba agüja liasü, ajisüaka India nunger ketcangsertem aser court temi pa nem bail magütsü aser mapang shidak nung medical treatment magütsü," ta metedaktsü.

Yaküm October ita nung pa



October 21, 2021 nü Jharkhand nung Khristantem Jesuit putir, Stan Swamy jail nungi chiokang ta takhangba agüja longkak aitdang tangokba noksa nung angur.

apuba sülen Unlawful Activities (Prevention) Act (UAPA) kübok pa anema ken o benoka liasü. 2018 küm Maharashtra nung rara adokdaktsürem den pai tesendaktep yua liasü, ta pa

zülua liasü, aser item shidi ajanga pai jail nung tzü ajemtsü atema 'sipper' amshitsü temelaba meshiaka memelaba densema pa dak tim mesüi aika benshiba metedakja liasü.

Christian Solidarity Worldwide Chief Executive, Scot Bower-i sangdong ka ajanga, "Alima nung tesangwa alitsü aser ochi temeden alitsü atema Stan-i inyaka aruogo. Pa taküm agiba tsütsü sorkari takok ngur asütsü akok, ajisüaka pai inyakba mapatem ajanga maneni nisung aika ajungshitsü," ta metedaktsü.

Jail nungi Swamy-i shidi aika

mapang shia yamai ataloker," ta metedaktsü.

CSW-i ashiba agi, Jesuit putir, Swamy-i India nung lisopurtem temeden atema inyaka aruogo.

CSW den jembidang Jesuit putir, Prakash-i, "Lisopurtem indang tzü, arem aser ali temeden kümzüka ayutsü atema pai inyakogo, kechiyong takartem aser auertemi özüng alema lisopurtem rongsen auya. Ibayongji pa taküm tembangogo. Pa alima nungbo taküm tembangogo, ajisüaka nisung aika melungjang nung maneni pa alitsü aser India nung Stan ama nisung aika adoktsü,"

ta metedaktsü.

India nung 2019 küm yanglubishi anti-terror law ajanga sorkari nije ka 'kiralongr' ta sangdongtsü akok aser aibelenba kuli kecha maliyonga ita trok tashi pua ayutsü akok. Ano nüngdak dang süra tai tonglokja alir ka küm tenet tashi pua ayutsü akok.


NIA-i Stan Swamy apuba sülen India nung Arogo telok balala aser lokti tentet lenirtem aikati longkak aitogo. India nung Catholic Arogoibo, Stan-i lisopurtem temeden atema inyakba asoshi pa nem temerenshi agütsür, ta aija liasü.

Pa aputsü anogo ana lia Swamy-i video ka ajanga, sorkari tim masüba nung lisopur meyirjang aika apuba anema pai sorkar den rarar, anungji pa aputsüa akok, ta metedakja liasü.

"Tesüiba küm asem tsüngda ni Adivasi nungi temeden atema inyaka aruogo. Kaketzülür ka ama ni parnoki ajangshiba tebilemtsü onük aika asadanga aruogo. Iba dak sendakba nung ni sorkari benokba mapatong aser özüngtem aika aitsüogo," ta Swamy-i metedakja liasü.

India nung Muslim aser Khristantem reshikangshiba asadangstsü atema yaküm June ita nung USCIRF-i India semdangstsü sentong liasü, saka India-i parnok nem visa magütsü.

## OLONG PAITEP # 5872

**TIPLEN**

2. Auo nung chiyongtsü asenba  
 5. Mangyimba mapang  
 7. O tamendakdak  
 8. Pei dak malangba  
 10. Juli  
 12. Sen ayudak  
 14. Tenük agi ajitet  
 15. Tamajung aküm  
 16. Apuso

**LANGTSÜNGLEN**

1. Lenmang - (7)  
 2. Aor kidong ka tenüng - (5)  
 3. Tenarong maten - (4)  
 4. A \_ \_ \_ g - (7)  
 6. Mopung apodoka ola adokdaktsüba - (7)  
 9. Tongtipang tagitsü - (4)  
 10. Menungra bilem - (5)  
 11. Aiür - (5)  
 13. S \_ \_ \_ k - (5)  
 14. T \_ \_ \_ r - (5)

## OLONG PAITEP # 5871 TELANGZÜBA

**TIPLEN :**

1. Yiar, 3. Tesola, 7. Yimra,  
 8. Tangar, 9. Peria, 10. Tanur,  
 11. Tasen, 13. Lemjem, 15. Tambu,  
 16. Khuret, 17. Sang.

**LANGTSÜNGLEN :**

1. Yimti, 2. Amen, 4. Shiner, 5. Alaka,  
 6. Satan, 9. Putet, 10. Tembar,  
 11. Tatok, 12. Amang, 14. Jala.



## OBOULA-I ALOKBA DANG INDEPENDENT INDANG ASÜNGDANGER

- Oboula** : Ohoi...Semchir ahen Naga nunger Independent ya-a kodang angutsü amai-ha jembir akaa....???
- Alokba** : Obou...Tangbo 'Independent' ta masü 'Solution' ta dang jembir ako.
- Oboula** : Waamaa...!!! Ano ji kodang melen...??? Koa 'Election' ta melen...???
- Alokba** : Ayyaaaa...Obou Election masü Solution aja...Oda nenok yimdaklir-bo Election-ji dang aginua kazür-ji na....???
- Oboula** : Hai-to...Election nungang senotsü terara-bo alemer-ji do.... Harbangla Solution-a ahabaji kodang bener arudir Naga nunger kin shia tilala-bo alangha-a lemhatsü ado naa...?? Ahen Aor-a kodeka atatsü amai...???
- Alokba** : Obou...Solution-jibo alangsa-a alemtsüla-bo masü aja.... Oda mapatong balala lemsatsü akok adi....Saka asen Aor-bo tema-telung ajunga nung tazüngpur-bo kata maliji.... ashiko tokolak shilem-bo matatsü sudi...!!! Oda tia mekara asen Aor MLA Seat ter akaba ya karbo alangzüker tanga District-i bener aotsü-a kecha meteta maka adi.

Lilir : Kika Pongan

**AO OSHI ANGAZÜKDAK:****TANÜ ANGAZÜKTSÜBA OJANG**

(adv) putu yimsüsür ka melena ka shimba

(induction of a village council member to fill up vacancy)

- Yimtak tatar ka anenadokba agi par kidong nungi nisung ka **kibasü** aitdaktsü.**Kibasü**

(v) ki kilem tapok yanglushiba (roof repairing)

\* Tsünglu marudang **kibasü** mapa temer alitsüla.**NAI-A YA METETTER MA?****JULY 12 NUNG ASORTONGTIBANG NISUNG KAR:**

- Roman leader Julius Caesar (100 B.C)
- American writer Henry David Thoreau (1817)
- Photography pioneer George Eastman (1854)
- Scientist George Washington Carver (1864)
- Italian painter and sculptor Amedeo Modigliani (1884)
- Composer Oscar Hammerstein II (1895)
- Comedian/actor Bill Cosby (1937)
- Musician Christine McVie (1943)
- Actor Denise Nicholas (1944)
- Exercise/diet guru Richard Simmons (1948)
- Movie producer Brian Grazer (1951)
- Actor Cheryl Ladd (1951)
- Actor Mel Harris (1956)
- Actor Rolonda Watts (1959)
- Olympic gold medal figure skater Kristi Yamaguchi (1971)
- Wrestler Brock Lesnar (1977)
- Actor Michelle Rodriguez (1978)
- Human rights activist Malala Yousafzai (1997)

**TANÜBO NAI LANGZÜANG**

Q. Tillari Reserve koba State nung lir?

A.Madhya Pradesh B.Maharashtra C.Karnataka D.Gujarat

(Taruba adok nung onoki langzütsü)

**YASHI ADOK TELANGZÜBA:2016****SUDOKU # 5912****TELANGZUBA# 5911**

3	5		6	2	9	1	8	3	4	7	2	5	1	9	6
	4			2		5	8	5	6	7	3	1	9	8	4
2	6		1	5			7	1	9	2	4	6	8	7	5
				4	3		5	9	2	6	1	3	7	5	8
7						4	2	4	1	3	8	5	6	2	7
				8	5	3	7	9	7	8	5	2	9	4	3
5	2	6	8			1		6	4	1	5	7	2	9	3
		7	4					3	5	8	9	4	1	6	2
3	4			1	5	9	8	6	2	7	9	6	8	3	4

**OJANG LUTEP # 5457**MZÜTENGI : LUTUR : ARTIL : MERANGREPER : KASA : ITA : KAMAR : EMN : MEDTEEN : TSÜAGÜR : **OJANG LUTEP TELANGZÜBA #5456**ZÜBAZÜBA ANGUBA RONGSENJI KOMA ARU  
YAMAJI ASEK KET NUNGI OADOKER**TAN HOPTA ATEMA - KOMA SÜLA ?**

Q. Naga yimten tebilemtsü ya tang amai tatembang küma melatettet, ano, küm ter süi nunga koma süla ?

Olong 20 shi nung July 16, 2021 tashi nung iba telangzüba ya onok dangi (e-mail - tiryimyim@gmail.com) :

(SMS - 9856121232 / 9436072422) : (WhatsApp - 7005723372 / 8729995804) : (tiryimyim.in) ajanga yokang. Telangzübatemji taruba Honibarnü adokstsütsü.



July 11, 2021 nū Dehradun nung Delhi Chief Minister Arvind Kejriwal-i osangbenertem den jembiba noksa nung angur. Kasa noksa nung Uttarakhand State AAP in-charge Dinesh Mohaniya (abelen) aser Colonel Ajay Kothiyal nata angur.

## Taküm sorkari totzü jenjang 69 ben tashi tuogo: Adhir Ranjan

**Baharampur, July 11** timtemba atema kecha nung takok tulu anguba party kati nüburtem atema inyaktsü asoshi marendaktsüla," ta Chowdhury-i ashi.

(Agencies): Lok Sabha nung Congress lenir, Adhir Ranjan Chowdhury-i, Taküm January 1 nungi tenzüka sorkari petrol aser diesel jenjang 69 ben tashi tuogo, aser ibaji ajanga Centre sorkari sen 4.91 lakh crore aazükogo, ta metedaktsü.

Chowdhury ya West Bengal nung Congress Tir lir, aser pai state nung TMC sorkar danga Chhattisgarh sorkari inyakba ama totzü jenjang ajemtsü atema Value Added Taxes (VAT) saru magitsü mepishia metedaktsü.

Osangbenertem den jembidang pai, "Nüburtem timtemba mebilemtsüi Delhi nung Narendra Modi-i aniba sorkari January 1 nungi tenzüka tang tashi nung petrol aser diesel jenjang 69 ben tashi tuogo aser sen 4.91 lakh crore aazükogo," ta metedaktsü.

"BJP sorkari sensakertem

mebilemtsür. Onoki Centre sorkar dang totzü jenjang tanaben ajemtsü mepishir, kechiyong petrol litre ka nung sen 100 dak tema jungogo aser diesel-a litre nung sen 100 ajungtsüa lir; iba dak LPG jenjang cylinder ka nung sen 850 jungogo," ta Congress lenirisa metedaktsü.

Chowdhury-i ashiba agi, 2014 küm Centre nung BJP sorkar aruba sülen totzü jenjang maneni atuba ajanga sorkari sen 25 lakh crore tajangzük nguogo.

Chhattisgarh nungbo Congress sorkari VAT saru agienba sülen petrol litre shia sen 12 ajemogo, anungji West Bengal-i anir tanga state temia VAT saru magitsüla, ta pai ashi.

"West Bengal nung TMC sorkari VAT saru ajanga sen crore 1,300-1,400 shi angutsü, ta onoki meteta lir, saka election

langzüdang pai, Lok Sabha aser Vidhan Sabha naprongla nung tongti opposition party nem Parliamentary Accounts Committee (PAC) menden agütsüo, ta ashi.

"Ni asemen tashi PAC chairman inyakogo. Ozü lenir Sonia Gandhi-i iba menden atema kü tenüng agütsü. Ajisüaka tatembangsa telemtetbabu Speaker-i agir. PAC chairman shimsüji pa/la dak tashi lir," ta paisa shisem.

Tawa Speaker-i TMC toktsür BJP nung adensang, Mukul Roy West Bengal nung PAC chairman shima liasü, aser ibaji anema saffron party züngsemtemi longkak aita anti-defection ozüng kubok pa anentsüla, ta takhangba agütsü.

Honibarnü samples 18,43,500 tendangogo aser tang tashi nung samples ajak senteper crore 43.08 tendangogo, ta Indian Council of Medical Research (ICMR)-i metedaktsü.

Tang tashi nung coronavirus vaccine dose crore 37.60 dak tema agütsüo aser iba nungji Honibarnü vaccine dose lakh 37.23 agütsüba densema lir.

## India nung nisung 41,506 dak Covid putet

**New Delhi, Chiteni/July 11** iba tashidak agi shiranger ajak senteper 4,08,040 süogo, ta tanep 9:00 ako nung Union health ministry-i metedaktsü.

Tesüiba anogo pongu tashi anogo shia India nung nisung 40,000 tema dak iba tashidak puteta arudar aser tang teshirangdakpur 45,4118 dang kumogo.

Linük nung iba tashidak agi shiranger shilem 92.70 anepogo; tang anogo shia positive putetba shilem 2.25 dang kumogo aser hopta shia

positive putetba shilem-a 2.32 dang kumogo.

Honibarnü samples 18,43,500 tendangogo aser tang tashi nung samples ajak senteper crore 43.08 tendangogo, ta Indian Council of Medical Research (ICMR)-i metedaktsü.

Tang tashi nung coronavirus vaccine dose crore 37.60 dak tema agütsüo aser iba nungji Honibarnü vaccine dose lakh 37.23 agütsüba densema lir.



Bhopal, July 11, 2021: RSS den tesendaktep aliba organization ka nem ali agütsüba ochimashi ken o anema Amongnū Bhopal nung Congress-i longkak aitdang police-i tzü khaloktsüba noksa nung angur. Noksa nung Congress lenir aser Rajya Sabha MP Digvijaya Singh-a angur.

## India-i Afghanistan nung security tensa mita reprangdar: MEA

**New Delhi, July 11** (Agencies): Tang Afghanistan nung security tensa tamajungba akümba nung ajemdaker India-i Kandahar nung aliba Consulate nung staff tem ainshidaktsüba sülen Amongnū Ministry of External Affairs (MEA)-i, India nunger sepaitem kümzüka alitsüji tongtibang, ajisüaka rara aliba linük nung India nunger Consulate general meshibang, ta metedaktsü.

"India-i tang Afghanistan nung security tensa mita reprangdar. Asen sepaitem kümzüka alitsüji tongtibang," ta MEA sangdong ajanga metedaktsü.

"Kandahar nung Consulate General of India meshibang. Ajisüaka Kandahar yimi anasa rara adokba nung ajemdaker India nunger sepaitem khenpiga atema

ainshidaktsüogo," ta MEA otongdar, Arindam Bagchi-i metedaktsü.

"Tensa mesüngjem tashi iba ya khenpiga atema dang lir. Staff züngsemtemi maneni Consulate achaayangtsü," ta paisa metedaktsü.

Afghan yimtiba, Kabul nung visa aser consular services dak sendakba nung pai, "Kabul nung asen Embassy ajanga maneni visa aser consular services agütsüü atema inyakdar," ta ashi.

Afghan tensa dak sendakba nung pai, "Afghan nunger 200,000 shi jensiogo. District 375 nungi district 200 nungbo Afghan sepaitem aser Taliban telungpurtem na tsüngda kanga sashia radar. Tajikistan, Uzbekistan aser Iran densema linük balala den arrtsülen aliba district 18 nunga tensa mejungi lir," ta metedaktsü.

## Thawarchand Gehlot-i Karnataka Angh tenangzükba agi



July 11, 2021 nū Raj Bhavan, Bengaluru nung Chief Justice, Karnataka High Court, Justice Abhay Srinivas Oka-i ketdangsü Thawarchand Gehlot nem Karnataka Angh tenangzükba agidaktsüdang tangokba noksa nung angur. Kasa noksa nung Karnataka Chief Minister B.S. Yediyurappa-a angur.

## Bengaluru, July 11

**(Agencies):** Tawa Union Minister menden nungi

Vajubhai R Vala melener. Vala ya 2014 küm nungi Karnataka Angh liasü.

Taoba mapang Social Justice & Empowerment Union Minister, Gehlot Karnataka Angh inyaktsü atema July 6 nū shima liasü saka tanü ang tenangzükba agiogo.

Karnataka High Court Chief

Justice, Justice Abhay Srinivas

Oka-i ketdangsü Thawarchand Gehlot nem

Taoba mapang Social Justice & Empowerment Union Minister, Gehlot Karnataka Angh inyaktsü atema July 6 nū shima liasü saka tanü ang tenangzükba agiogo.

July 7 nū Union Cabinet ulushiba mapang nung Union Minister menden nungi anener

12 rongnung pa densema lir. 2019 küm nungi pa Rajya Sabha nung House lenir liasü.

## Yogi Adityanath-i UP nung New Population Policy tenzüksüogo

### Lucknow/New Delhi, Chiteni/July 11 (Agencies):

Amongnū World Population Day anogomong nung Uttar Pradesh Chief Minister, Yogi Adityanath-i par kidang state indang Population Policy 2021-2030 tenzüksüogo.

ajanga terenlok tsütsü tetsükdaktsü agütsüba tebilemtsü lemsateper aser tesüiba küm 40 tashi iba onük nung o lemtepa arudar," ta paisa metedaktsü.

Iba sentong nung jembidang Yogi Adityanath-i, nütsüng tali arenba ajanga terenlok tsütsü tetsükdaktsü agütsür, anungji nütsüng tali arenba azüoktsü atema ano temerangba inyaktsü nüngdaker, ta metedaktsü.

Iba tebilemtsü onük atema inyakba linüktem aser state temi tajangzük kanga nguogo. Ajisüaka iba tebilemtsü onük atema ano tali temerangba inyaktsü nüngdaker, ta metedaktsü.

Uttar Pradesh nung nütsüng tali arenba azüoktsü atema tawa state law commission indang website ajanga population control draft bill ka metedakja liasü.



Italy nung aliba Venice yimti nung G20 Economy and Finance minister aser Central bank governor tem senden alidang alima tzü-mopung melenshia aoba anema tzü-mopung wazuka ayuba movement, Extinction Rebellion ajanga longkak aitba mapang Degli Scalzi apu nung tanurtem indang tsüngsem yuja aliba noksa nung angur.

## Kabul Airport nung air defences amenokogo

**Kabul, Chiteni/July 11**

(Agencies): Kabul airport nung rockets khaloktsüba khadangtsü atema air defence system menokogo, ta kettangsürtemi Deobarnü metedtaktsü. Taliban puri linük ajunga amokbangtsü merangba mapang ka nung tang iba jenjang agiogo.

Telungpurtemi linük shilem 85 bo atsüngogo ta ashiba mapang ka nung Washington aser parnok pusemertem Afghanistan taruba ita toktsür aotsü sentong yanglu a lir.

Hopta ishika tsüngda Taliban puri tesem aika atsünga aoba ajanga linük yimtiba aser airport kümzüka mali ta tsübu bileyer.

"Air defence system tasenba ya Kabul nung Deobarnü 2:00 ako nungi inyaksangshi tenzükogo. Iba system yagi linük balala nung rocket aser missile amshia amakba nokdangtetba kuli tejangja lir," ta interior ministry i ashi.

Interior ministry otongdar

Tariq Arian-i AFP dang iba system ya airport nung amenokogo ta ashi, ajisüaka pai koba amala system ka amenok mesera shirnoki amenoktsü, iba indang osang tejangja magütsü.

Taliban-i mapangshia sorkar sepaitem maka arudar aser jihadist Islamic State group (IS)ia 2020 küm rockets aser mortars amshia linük yimtiba makogo.

Afghanistan nung US military amenoka aliba base tulutiba Bagram Air base taküm küm rocket agi amakba IS-i nangzükogo. Iba base yang tangbo Afghan forces nem benanga agütsüogo.

Kümtem tsüngda Bagram densema base balala nung US military-i, rocket tem nokdangtsü atema C-RAMs (Counter Rocket, Artillery and Mortar Systems) amenokogo, ta foreign security official kati ashi.

C-RAMS nung rocket aruba tendangtetsü atema camera aser local sepaitem nem tekümdangtsü metedtaktsü.

atema facility inokja lir.

Kasa mapang nung taruba ita US aser NATO sepaitemi Afghanistan toktsür aoba sülen Turkey-i, Kabul airport nem security agütsütsü nangzükogo.

Turkey tir Recep Tayyip Erdogan-i Hokolbarnü ashiba agi, Turkey nunger sepai taziükba kübok airport koda inyaksangshitsü iba indang Turkey aser United States na sensaksema mulunga agizükogo.

## Küm tenzüker Australia nung COVID-19 agi nisung mezüngbuba süogo

**Sydney, Chiteni/July 11**

(Agencies): Taküm küm tenzüker Australia nung coronavirus tashidak agi nisung mezüngbuba süogo.

Sydney nung arishi küm 90 shi tain tetsür ka asü, ta kettangsürtemi ashi. La dak iba virus ya kingertem ajurutepa amenba mensem ka nung menaa liasü.

Deobarnü New South Wales nung COVID-19 cases tasen 77 liasü. Nisung 52 mozü kidang lir aser parnok rongnung nisung 15 intensive care nung lir.

Australia nung yimti tulutiba, Sydney ya tang lockdown nung lir, kong kanga mela menatepa aoba Delta variant indang coronavirus azüoktsü merangba mapang lir.

Deobarnü iba nisung asüba ya Sydney nung COVID-19 agi asür nisung 57 buba aser ita ter nung mezüngbuba alitsü.

Anogoshi tashidak agi menepba ya maneni Hombarnü tali akumtsü, ta NSW Premier Gladys Berejiklian-i tekumdanctsü ashi.

"Hombarnü cases ya 100 dang tajemba akum nungbo ni aoksatsü," ta lai Deobarnü sangdong ka nung ashi.

Asüng aser iba sülen anogo ishka tanü dang nungi kanga agi tamajungba asütsü tsübur, ta lai ashi.

Australia nung COVID-19 tashidak wara tenzükba sülen tang tashinung nisung 911 asüba jangja lir aser nisung 31,000 dak tema iba tashidak agi menepa lir.

Greater Sydney, Wollongong aser Central Coast tesemtem nung alir nisung million pongu dak tema awajema kilung nung alitsü totuyuba agüja aliba Hokulbarnü agentsü liasü. Tangbo iba totuyubaji July 16 tashi atsülangshio go.

Lockdown ajanga nüburtem aser business nung timtem agütsüba angateter, ta New South Wales sorkari ashi.

Australia nunger shilem 10 dang tajemba COVID-19 mozü doses ajak agir lir. Mozü peria manguba, taliba Pfizer mozü mongutetba ajanga Australia nunger aika küm tatemlen tashi COVID-19 mozü magitetsü.

Australia arrtsülen tenokdangba agüja aliba alema virus aitba sülen iba tashidak azüoktsü mechii tenokdangba tesashi agütsü aser kanga kera tsüngzü pua ao.

## China aser North Korea lenirtem tesendaktep akangshitsü jembir

**Seoul, Chiteni/July 11**

(Agencies): North Korea aser China tsüngta defence treaty yanglur Deobarnü küm 60 ajungba tenüng nung salem o lemsatepba mapang lenirtemi par tesendaktep tali tashi itshitsü jangra aliba lemsatepa liasü.

China Tir Xi Jinping dangi salem o shiokba nung North Korea lenir Kim Jong Un-i ashiba agi, "Linük ana tsüngta tesendaktep aser amalitep tsütsü maneni renloktsü atema ozü sorkar akang-akanga nokdaka lir," ta sorkar meyong Korean Central News Agency ajanga ashi.

Xi ajanga salem o shiokba nunga China aser North Korea na senzü meyutsütepi kati ka yariteper, ta ashi, ta China indang Xinhua News Agency ajanga ashi.

"Taoba century dang nungi alima ya tang tekeraba melenshiba asenoki angur. Linük anaprong aser yangji aliba nüburtem ajangzüksüesa tesendaktep tajung alitsü imlar," ta Xi-i ashi.

North Korea-i China nungi teyari tuluba angutsü atema bushitsü imlar, shirnok coronavirus tashidak wara aser nuclear nok-o-nü mechii US-i

anir tenokdangba tesashi agütsüba ajanga rongsenketsüng kanga mejungi kuma timtem nung lir. North Korea aser China ya tembar aser teyari angudak linük tongti ka lir.

North Korea yimli laoba nungi kumzüktetra, ibaji China asoshi security tsütsü kanga tongtipang alitsü aser United States den kanga sashia toktepba mapang North Korea aser akhi mapang nungi tesendaktep aliba linüktem den tesendaktep tali akangshitsü nüngdaktsü, ta mongintemi ashir.

(Maneni tapak 9 nung...)



Kabul, Afghanistan nung vaccination center ka nung nisung ka nem Johnson & Johnson COVID-19 vaccine agütsüba noksa nung angur. Iba COVID-19 mozü ya United States-i agütsü aser U.N. indang teyari nung COVAX sentong kübok bener aruja liasü. Ita tatemlen ano iba mozü ya Afghanistan nem agütsütsü imlar.

## Taoba Israel PM Netanyahu-i Official ki toktsüogo

**Jerusalem, Chiteni/July 11**

(Agencies): Taoba Israel Ato Kilonser Benjamin Netanyahu-i Deobarnü Jerusalem nung PM indang official ki toktsüogo. Naftali Bennett-i pa atsüngtokba sülen ita ka jungnua lir pai PM indang official ki toktsüogo

"Ayaterem tera süier Netanyahu aser par kinungertem Balfour nung official ki toktsür ogo," ta par kibong atema otongdar kati osangbener dang ashi.

Hopta tatemi PM ki kima tata gari senzüsenpongba aser Audi gari tanak kar bener aoba tangokogo.

Netanyahu, shibai Israel küm 12 atonga yimsüsüa liasü, pa ya Israel puti otsü nung PM tem rongnung mapa talangtiba abensang lir.

Pa anema ochi mashi, sübokrem agiba amala ken o benoka okadak obendangba mapang nunga pai office mapa

Pai yimstüba mapang Israel nung küm ana majung tsüngda election pezüben agi aser iba sülen right-wing nationalist Bennett-i June 13 nü pa melenzük.

Ajisüaka iba sülena Netanyahu-i Ato Kilonser indang official ki metoktsü aser maneni tir Trump kübok United Nations dangi US ambassador Nikki Haley nung amala tongtibang nisungtem jaoka liasü.

June tatemi Netanyahu aser Bennett offices-i taoba PM ya July 10 tashi nung PM indang ki toktsür aotsü ta sangdonga liasü.

Ajisüaka atakzükja aliba anogo ghonda ishika agi süierang Deobar ayaterem süire Netanyahu-i PM ki toktsür ao.

## Assam Rifles-i sentong balala ayongzüka agi

**Dimapur, Chiteni/July 11, 2021 (TYO):** Süngdong atemba benjung "Van Mohatsav" nung shilem ka ama Assam Rifles Kohima Battalion-i, July 10 nü Kohima district kubok Dihoma yimtsüng nung süngdong atemba sentong ka ayongzüka agiogo, ta sangdong ka ajanga metedaktsü.

Iba sentong ayongzüka agiba mapang Tree Bean, Tamarind, Guava, Pine Tree aser Eucalyptus süngdong 300 shi temtsüogo. Item süngdongtem ya Chakabama COB Nursery nung tsünütetbatem liasü.

Iba sentong nung Village Council Chairman, Head GB, Village Council züngsemtem

aser Govt High School, Dihoma

nungi tesayur aser kaketshirtemi shilem agi. Maneni iba inyakyim tajung asoshi yimda keta dangsürtemi AR dang kanga pelaba lemsatepogo.

Iba sentong nung Medziphema Village, Dimapur nung 'Tree Plantation Drive VAN MAHOTSAVA' ayonga agiogo.

Kasa mapang nung Assam Rifles Dimapur Battalion-i, July 10 nü Ao Khel Notun Basti nung Covid-19 ajanga district mokdanga ayuba agi kongshir aliba ayangertem aser sensakertem nem jang-o-tsü agütsüogo. Ao Khel Notun Basti Council, Chairman-i nüngdakbapurtem nem teyari agütsüba atema Assam Rifles dang kanga pelaba metedaktsüogo.

Maneni, Honibarnü HQ IGAR (N) kubok Ghaspani

Battalion - Assam Rifles-i Medziphema Village, Dimapur nung 'Tree Plantation Drive VAN MAHOTSAVA' ayonga agiogo.

Iba sentong nung Medziphema Village, Dimapur nung 'Tree Plantation Drive VAN MAHOTSAVA' ayonga agiogo.

Iba sentong nung Medziphema Village, Dimapur nung 'Tree Plantation Drive VAN MAHOTSAVA' ayonga agiogo.

Iba sentong nung Medziphema Village, Dimapur nung 'Tree Plantation Drive VAN MAHOTSAVA' ayonga agiogo.

## Kathi Mahesh alima nungi pilaogo



**New Delhi, Chiteni/July 11, 2021 (Agencies):** Nüngtugu Telugu actor, film critic, political analyst aser satirist, Kathi Mahesh, Chennai hospital nung anepaluba mapang Honibarnü asü. Tesüiba hopta ana tejakdang, Andhra Pradesh indang Nellore district kubok gari lendong ka nung Mahesh yirua liasü.

"Kathi Mahesh asüba osang angashia kanga aoksar aser jashir. Asür Mahesh adianu aser medemer tem den mangyim jashi lemsateper. Pa taneli tesünep nung anisüngzükdakjangma! Om Shanti," ta Tollywood actor Manchu Manoj-i lemsatep.

Telugu movie industry nung actor tasen, Sudheer Babu-ia Mahesh asüba osang angashia aoksaba lemsatepa liasü.

"Kathi Mahesh gaaru asüba osang angazüka kanga aoksar. Telangzüba tajung aser tebilemba tem lemsatepa pai teti tang film tem ajungmesoba ni



Mumbai, Chiteni/July 11, 2021: 'Toofaan' film sayatsü anogo ishika lia, fans temi iba film reprangtsü yonyaba lemsatepogo. Iba film indang trailer aser July 2 nü mezüng ken 'Todun Taak' sayaba mapang nungi telangzüba tajung aika nguogo. Deobarnü (11.07.2021) 'Toofaan' film yanglertemi 'Star Hai Tu' ta nüngja agütsüba ken tasen ka saya. Kasa mapang, film nung tongti shilem agisang Farhan-ia Instagram sabang ajanga iba ken den külemi "Star Hai Tu ken sayaogo, #StarHaiTu den külemi tsüngsantsü renemang!", ta lemsatepa liasü. Iba ken nung Farhan aser Mrunal nati yimdong tiyong nung tsüngsanger telok ka den külemi tsüngsanga sayur. July 16, 2021 nü nungi tenzüka Amazon Prime Video ajanga India aser linük 240 nung 'Toofaan' film sayatsü terenemba li.

## Opposition MLA temi CM Sarma anema keno benok

Himanta Biswa Sarma



**Guwahati, July 11, 2021 (Agencies):** Assam nung Opposition lenmir aikati tanü Speaker Biswajit Daimary aser Governor Jagadish Mukhi dangi ao aser Chief Minister anema ken o tem benokogo.

"Himanta Biswa Sarma-i Indian Constitution nung lateta aliba ama democratic rejutem aser inyaksangshi amokmerenogo" ta opposition lennirtemi Governor aser Speaker dang shidi nung ashi.

"Parnok küm pungu tashi opposition benches nung amendang kechi inyaktsü? Onoki nübor tem atema inyaker anungji parnoki onok den

adentsüla. I parnok (Opposition) dang onok den adentsü aser külemi public atema inyaktsü mepishir" ta Assam CM-i ashiba olen opposition lennirtemi lephsia metedaktsüogo.

"Iba sorkar ali tashi District Collector temi MLA tem masü saka Minister temi ashiba dang angatsü" ta Assam CM Sarma-i jembiba magizüker ta opposition MLA temisa Governor aser Speaker dang ashi.

Opposition MLA temi Debabrata Saikia, Aminul Islam, Alhaj Aminul Islam, Rakibal Hussain, Bharat Narah,

Manoranjan Talukdar, Wazed Ali Choudhury aser Akhil Gogoi nunger li.

"MLA tem Assembly mapa inyaker aser ozüng yanglur. Asenoki langka tamajung inyakra parnoki sorkari anentsütetsü saka ibaji makoktsü kechiyong asenok majority lir. MLA temi BDO mesüra SDO nung inyakba atema telemtetba magitetsü. Ibaji Minister indang mapa lir" ta CM Sarma-isa jembiboga.

Chief Minister-i Constitutional inyakyim aser Opposition mapa kanga mezüngmeshiogo aser iba ya onoki magizüker, ta Opposition lennirtemisa ashi.

MLA tem ya block level, circle levels, subdivision levels, aser district levels nung luden balala nung züngsemtem lir, ta parnokisa ashi.

Opposition lennirtemisa Governor aser Speaker dang Chief minister dang Constitution küzmüka ayutsü atema tezungzüktep agiogo anungji tarutsü nung ibala olen mejembitsü shiang ta ayongzük.

Sabha president Paramananda Rajbongshi-i, iba ama award sangdong aser Assamese nunger osangkaket 'Dainik Asom' indang senior sports journalist Subodh Malla Barua nem mezüng award agüja liasü.

Pulin Das Birth Centenary Celebration Committee-i taoba mapang nungi jembia aruba award atema maparentem State Sorkar tenüng nungi tenzükshitsü asoshi chief minister ajungshio.

Iba committee nungi par pungo dak alia, CM Sarma den senden amenba mapang, Kalyan Kumar Das, Balendra Mohan Chakravortty, Nayan Prasad, Subodh Malla Barua, Chandan Sarmah, taoba mapang Asam Sahitya Sabha president aser Sipajhar MLA, Paramananda Rajbongshi nunger deno.

2014 küm Pulin Chandra Das asüba sülen Assam chief minister Tarun Gogoi-i asür Das nüngtem nung award ka agütsü asoshi sangdonga liasü saka tanü tashi iba ya mapa mekümteti arur.

2019 küm Assam Sahitya

China aser North Korea lenirtem... (Tapak 8 nungi...)

Linük ana tsüngta treaty yanglya aliba ya linük ana indang socialist atema nokdakba nung tashi tuluba sayuteter... anungji tangbo tsükchir tashi ajanga raksatsütsü tali meranger, ta Kim-i ashi.

1961 Treaty of Friendship, Cooperation and Mutual Assistance kubok dangari lendong agütsüba mapang North Korea aser China tsüngta military aser danga teyari agütsütepsü züngzüktepa li.

North Korea-China tesendaktep ya 1930s mapang nungi tenzük, kodang Kom Jong Un tebou Kim Il Sung-i anir Korean guerrillas temi China

den külemi Japanese colonizer den northeastern China nung rara liasü. Linük ana tsüngta ya 1949 küm tesendaktep tasen ka amenok, aser küm ka lir North Korea-i aoksa South Korea amak aser küm aser rara tenzük nüng meyirijang aika asü.

1950-53 Korean War mapang China ya North Korea den külemi rara, aser US-i aniba UN sepaitemi South Korea busema liasü. North Korea ajanga tashiyim amshiba nungi nokdangtsü mechii US sepa 28,500 shi tang South Korea nung lir. China-ibo North Korea nung sepaitem yoka mali.

## Messi-i aniba Argentina team-i Copa America kokogo



Rio de Janeiro kubok Maracana stadium nung Copa America final nung Argentina-i goal 1-0 agi Brazil akokba sülen Lionel Messi-i takok marok amer Argentina nunger asayartem pelatepea noksa nung angur.

**Chiteni/July 11, 2021** coach Lionel Scaloni-i semifinal

(Agencies): 1993 küm sülen nung Colombia penalty nung tang mezüngbuba Argentina-i akokba asaya nung asayar asayamung tongtibang ka kokogo. Parnoki Copa America asayamung final nung goal 1-0 agi Brazil madak takok angu aser kasa mapang nung Messia national team nungi tang mezüngbuba asayamung tongtibang ka koktetogo. Pai pa indang career nung takok aika ngutetogo ajisüaka international asayamung tongtibang ka danga mekoteti aliba tang koktetogo.

Rio de Janeiro kubok Maracana Stadium nung final asayaba mapang goal ka ya Rodrigo de Paul-i pass talangka agütsüba ball ka Angel di Maria-i agizüka minute 22buba nung idaktsü. Arishi küm 33 tain asayari left-back Renan Lodi-i aibelenba maongka agia ball goalkeeper Ederson adena metsüoktsü.

Asaya nung Argentina

nung Colombina penalty nung asayar pongu melener tanga asayar pongu mezüng yok.

Gonzalo Montiel, Cristian Romero, Marcos Acuna, Leandro Paredes aser Angel di Maria nunger Nahuel Molina, Nicolas Tagliafico, Guido Rodriguez aser Nicolas Gonzalez nunger melena mezüng yok. Ajisüaka Brazil team-i asayar memelensi asaya tenzük.

Asaya tetenzüklen team anapronglai kanga kümdanga asayaa liasü. Asaya mezüngbuba shilem nung Neymar-i goal idaktsü atema kanga merangdang saka parnok Argentina goalkeeper Emiliano Martinez nem timtem magütsü aser kasa mapang nung Argentina-i tesülen atsüngzüka atar counter-attack asütsü imlaa asaya.

Brazil coach Tite-i asaya

yimya melenshitsü atema defensive midfielder Fred melena Roberto Firmino yok aser asaya tanabuba shilem nung parnoki tajungba asayatet, saka Brazil team-i ball amshiba dak alaka goal idaktsü atema maongka aika monguet.

Taoba asayatem nung ama final nungbo Messi-i junga masaya, ajisüaka minute 88buba nung pai goal idaktsü asoshi maongka angu saka Brazil goalkeeper Ederson-i pa nokdang.

Taküm iba asayamung akokba ya Argentina atema anisüngzük ka asütsü, kechiyong parnoki Messi küm trok asüba mapang tatemsiba asayamung koka lir. Final nung takok anguba sülen Argentina-i Copa America 15 benbuba kokogo, koba Uruguay den kasa lir. Brazil-ia iba asayamung tekuben koka lir.

## Australian F1 Grand Prix aser MotoGP athir

**Melbourne, Chiteni/July 11,**

**2021 (Agencies):** Alima ajunga asüngba coronavirus wara süchia maoba ajanga, Mongolbarnü, Australian

Formula One Grand Prix aser MotoGP asayamung anaprongla küm tanabuba atema thitsütsü sentong renemogo, ta sangdong ka ajanga AFP-i lemsatep.

Iba asayamung ayongertemi taküm October aser November ita race anaprongla ayongzüksü sentong yanglur liasü, saka Australia indang temzung ajanga bendanglen nungi arurtem anogo 14 tashi

quarantine asütsü nüngdaka akumba yong, iba race asayatsü tetsükdaktsü ajurur. Mongolbarnü, Australian Grand Prix Corporation chief Andrew

Westacott ajanga iba asayamung thitemba osang sangoktsü," ta AFP sangdong nung shia lir.

Saudi Arabia nung mezüng race masayadang aser Brazilian Grand Prix asayar sülen, Formula One race asayamung ya taoba ama mesüi, March nungi November 21, 2021 tashi anogo yanglushiogo.

Taoba küm practice session tenzüksü lia, 2020 indang race thitsüba sülen, Melbourne indang Albert Park nung taküm agi tanabenbuba Formula 1 race thitsür alitsü.

October 3, 2021 nung Singapore Grand Prix asayatsü sentong lir aser Covid-19 tensa tajungba mekümra, iba asayamung thitsütsü ana nung dang lir.

Taoba küm, coronavirus tensa asadanga Australia nung MotoGP circuit thitemtsü aser taküm October 24 nü Phillip Island nung iba race ayongzüksü renem, saka F1 den küleme iba asayamung thitsütsü akümer.

Covid-19 wara adoker aliba tanga linüktem den medemdagra, Australia tesem aika nungbo iba wara kanga junga azüokteta lir, saka Melbourne nung nisung aika dak iba wara putetba ajanga, iba yimti nung aiben lockdown ajiangshiogo.

Melbourne kubok, saisapong stadium tem nung tereprangertem melaogo, saka Sydney nung kanga dang kara menashia aoba Delta variant adoker külen nungi iba yimti (Sydney) lockdown nung lir.

## Hetmyer teyari nung West Indies-i Australia kokogo

**Chiteni/July 11, 2021**

(Agencies): West Indies aser Australia na tsüngda tanabuba T20I asaya nung Shimron Hetmyer-i ball 36 nung run 61 yangluba aser Bravo-i out mesüi run 47 yangluba West Indies-i iba asaya run 56 agi ayong ayonga kokogo. Honibarnü St Lucia nung iba asaya akokba sülen West Indies pur 2-0 agi tejakdang lir aser ano asaya asem asayatsü anunga lir.

Australia nunger asayar Mitchell Marsh-i asaya anabuba atonga half-century (54) yanglu saka mezüngbuba asaya nung ama asayartem kanga atonga out süadokba sülen run 197 arishiba mapang over 19.2 nung parnoki run 140 dang yanglur ajak out süma.

Mezung bat asütsü asoshi Australia captain Aaron Finch-i maongka agütsüba sülen WI team-i kanga junga asaya tenzük aser Powerplay overs nung parnoki run 46 yanglu.

**'ICC player of the month' award atema Verma & Rana na züngoksemogo**



Sneh Rana

Shafali Verma

**Chiteni/July 11, 2021**

(Agencies): Tang asayaa aliba England series nung kanga junga asayaba sülen Shafali Verma aser all-rounder Sneh Rana na ICC women's 'Player of the Month' award atema züngoksemogo.

India tsür ana den England tsür left-arm spinner Sophie Ecclestone-a tetsürtem rongnugi iba naroküm atema shimo.

Tebur asayartem rongnung New Zealand batsman Devon Conway aser pacer Kyle Jamieson na aser South Africa nunger wicketkeeper Quinton de Kock züngoksemogo.

Arishi küm 17 tain Shafali shibai ODI aser T20 asaya nung ajak pua liasü lai England den mezüngbuba Test asaya nung kanga junga asaya aser Bristol nung asayaba mapang la nem Player of the Match naroküm agütsü.

Test mezüngbuba asayaba mapang innings anaprongla nung half century yangluba India tsürtem rongnung Shafali ya mezüngbula lir. Lai

## BILEMDANGANG

"Tangar takok magizüktetba ajanga nükmerem adoker."